

Iste pauper clamavit, & Dominus exaudivit eum: * & de omnibus tribulationibus ejus salvabit eum.

Immittet Angelus Domini in circuitu timantium eum: * & eripiet eos.

Gustate, & videte quoniam suavis est Dominus: * beatus vir, qui sperat in eo.

Timete Dominum omnes sancti ejus: * quoniam non est inopia timentibus eum.

Divites eguerunt & esurierunt: * inquirentes autem Dominum non minuentur omni bono.

Venite filii, audite me: * timorem Domini docebo vos.

Quis est homo qui vult vitam: * diligit dies videre bonos?

Prohibe linguam tuam a malo: * & labia tua ne loquantur dolum.

Diverte a malo, & fac bonum: * inquire pacem, & perséquare eam.

Oculi Domini super justos: * & aures ejus in preces eorum.

Vul-

Vultus autem Domini super facientes mala: * ut perdat de terra memoriam eorum.

Clamaverunt justi, & Dominus exaudivit eos: * & ex omnibus tribulationibus eorum liberavit eos.

Juxta est Dominus iis, qui tribulato sunt corde: * & humiles spiritu salvabit.

Multæ tribulationes justorum: * & de omnibus his liberabit eos Dominus.

Custodit Dominus omnia ossa eorum: * unum ex his non conteretur.

Mors peccatorum pessima: * & qui oderunt justum, delinquent.

Rédimet Dominus animas servorum suorum: * & non delinquent omnes qui sperant in eo.

Gloria Patri. *sicut erat.*

Añã. Isti sunt, qui venerunt ex magna tribulatione, & laverunt stolas suas in sanguine Agni.

Añã. Ecce merces sanctorum copio-

et

pio-

piōsa est apud Deum: ipsi verò
mórtui sunt pro Christo, & vivent
in ætérnum.

Psalmus 45.

DEus noster refúgium, & vir-
tus, * adjutor in tribulati-
onibus, quæ invenerunt nos nimis.

Propterea non timébimus dum tur-
bábitur terra: * & transferéntur
montes in cor maris.

Sonuérunt, & turbátæ sunt aquæ
eórum: * conturbáti sunt montes
in fortitúdine ejus.

Flúminis ímpetus lætíficat civitá-
tem Dei: * sanctificávit tabernácu-
lum suum Altíssimus.

Deus, in médio ejus, non commo-
vébitur: * adjuvâbit eam Deus
manè dilículo.

Conturbátæ sunt gentes, & incli-
nâta sunt regna: * dedit vocem
suam, mota est terra.

Dóminus virtútum nobíscum: *
suscéptor noster Deus Jacob.

Veníte, & vidète ópera Dómini,
quæ

quæ pósuit prodígia super terram: *
áuferens bella usque ad finem
terræ.

Arcum cónteret, & confrínget ar-
ma: * & scuta combûret igni.

Vacâte, & vidète quóniam ego
sum Deus: * exaltâbor in Géntibus,
& exaltâbor in terra.

Dóminus virtútum nobíscum: *
suscéptor noster Deus Jacob.

Glória Patri. Sicut erat.

Añã. Ecce merces sanctórum co-
piōsa est apud Deum: ipsi verò
mórtui sunt pro Christo, & vivent
in ætérnum.

Ÿ. Justi autem in perpétuum vi-
vent. *R.* Et apud Dóminum est
merces eórum. *P*ater noster, *secretò.*

Ÿ. Et ne nos indúcas in tentati-
onem. *R.* Sed líbera nos à malo. *Ab-*
solutio. A vínculis peccatórum nos-
trórum absolvat nos omnipotens
& miséricors Dóminus. *R.* Amen.

Ÿ. Jube domne benedicere. *Bene-*
dictio. Evangélica léctio sit nobis

salus & protectio. *R.* Amen.
 Lectio sancti Evangelii secundum
 Mattheum.

Lectio vij. Cap. 2. c

IN illo tempore : Angelus Domini apparuit in somnis Joseph, dicens : Surge, & accipe puerum & matrem ejus, & fuge in Aegyptum, & esto ibi usque dum dicam tibi. Et reliqua.

Homilia sancti Hieronymi
 Presbyteri.

Lib. 1. Comment. in cap. 2. Matthei.
 & apud Glossam ordinariam.

QUando tulit puerum, & matrem ejus, ut in Aegyptum transeat, nocte tulit, & in tenebris: quia noctem ignorantiae his, a quibus ipse recessit, reliquit incredulis. Quando vero revertitur in Judaeam, nec nox, nec tenebrae ponuntur in Evangelio: quia in fine mundi Judaei fidem, tamquam Christum ab Aegypto revertentem suscipientes, illuminabuntur. Tu autem Domine

ne miserere nobis. *R.* Deo gratias.
R. Cantabant sancti canticum novum ante sedem Dei & Agni:
 * Et resonabat terra in voces eorum. *Ps.* Hi empti sunt ex hominibus primitiae Deo & Agno, & in ore ipsorum non est inventum mendacium. Et resonabat terra in voces eorum.

Ps. Jube domne benedicere. *Benedictio.* Quorum festum colimus, ipsi intercedant pro nobis ad Dominum. *R.* Amen.

Lectio viij.

UT adimpleretur quod dictum est a Domino per Prophetam dicentem: Ex Aegypto vocavi Filium meum. Respondeant, qui Hebraeorum voluminum denegant veritatem, ubi hoc in Septuaginta legatur interpretibus. Quod cum non invenerint, nos eis dicemus, in Osée Propheta scriptum, sicut & exemplaria probare possunt, quae nuper edidimus. Tu autem Domine

ne miserere nobis. *R.* Deo gratias.
R. Vidi sub altare Dei animas interfectorum propter verbum Dei quod habebant, & clara voce dicebant: * Vindica Domine sanguinem sanctorum tuorum, qui effusus est. *Ps.* Sub throno Dei omnes sancti clamant. Vindica Domine, sanguinem sanctorum tuorum, qui effusus est.

Ps. Jube domne benedicere. **Benedictio.** Ad societatem civium supernorum perducat nos Rex Angelorum. *R.* Amen.

Lectio ix.

Tunc adimplendum est, quod dictum est per Jeremiam Prophetam, dicentem: Vox in Rama audita est, ploratus & ululatus multus, Rachel plorans filios suos. De Rachel natus est Benjamin, in cujus tribu non est Bethlehem. Queritur ergo, quomodo Rachel filios Judae, id est Bethlehem, quasi suos ploret. Respondet

bimus breviter, quia sepulta sit juxta Bethlehem in Ephrata: & ex materno corpusculi hospitio matris nomen accepit. Sive quoniam Juda & Benjamin duae tribus junctae erant: & Herodes praecerat non solum in Bethlehem interfici pueros, sed & in omnibus finibus ejus. Tu autem Domine miserere nobis. *R.* Deo gratias.

Nonum Responsorium ponitur, quia Te Deum, non dicitur nisi hoc Festum veniat in Dominica.

R. Isti, qui amicti sunt stolis albis, qui sunt, & unde venerunt? Et dixit mihi: * Hi sunt, qui venerunt de tribulatione magna, & lavaverunt stolas suas, & dealbaverunt eas in sanguine Agni. *Ps.* Vidi sub altare Dei animas interfectorum propter verbum Dei, & propter testimonium quod habebant. Hi sunt, qui venerunt de tribulatione magna, & lavaverunt stolas suas, & dealbaverunt eas in sanguine Agni.

Gloria Patri, & Filio, & Spiritui
sancto. Hi sunt qui venerunt de tri-
bulatiōne magna, & laverunt stolas
suas, & dealbaverunt eas in sângui-
ne Agni.

AD LAUDES.

Versus.

Deus in adiutorium meum in-
tende. *R.* Domine ad adju-
vandum me festina. *Gloria Patri.*
Sicut erat. Alleluia.

Añã. Herodes iratus occidit multos
pueros in Bethlehem Judæ civitate
David.

Psalm. Dominus regnavit. *cum re-
liquis. 69. Añã.* A bimatu & in-
fra, occidit multos pueros Herodes
propter Dominum. *Añã.* Angeli
eorum semper vident faciem Patris.

Añã. Vox in Rama audita est,
ploratus & ululatus, Rachel plo-
rans filios suos. *Añã.* Sub throno
Dei omnes sancti clamant: Vindica
sanguinem nostrum Deus noster.

Ca-

Capitulum.

Apoc. 14.

Vidi supra montem Sion Ag-
num stantem, & cum eo
centum quadraginta quatuor millia,
habentes nomen ejus, & nomen
Patris ejus scriptum in frontibus
suis. *R.* Deo gratias.

Hymnus.

Salvete flores Martyrum,
Quos lucis ipso in limine
Christi insecutor sustulit,
Ceum turbo nascentes rosas.

Vos prima Christi victima,
Grex immolatorum tener,
Aram sub ipsam simplices
Palma & coronis luditis.

Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna secula. Amen.

V. Herodes iratus occidit multos
pueros. *R.* In Bethlehem Judæ ci-
vitate David.

Ad Benedictus, Antiphona.
Hi sunt, qui cum mulieribus non

M 5

sunt

sunt coinquináti: Virgines enim sunt, & sequuntur Agnum quocúmque ierit.

O rêmus.

Oratio.

DEus, cujus hodierna die præconiium Innocentes mártires non loquendo, sed moriendo confessi sunt: omnia in nobis vitiôrum mala mortífica; ut fidem tuam, quam lingua nostra loquitur, étiam moribus vita fateatur. Per Dóminum nostrum Jesum Christum.

R. Amen.

Deinde fit commemorat. de Nativitate, Aña. Glória in excelsis Deo, & in terra pax hominibus bonæ voluntátis, allelúia, allelúia. *Ps.* Notum fecit Dóminus, allelúia. *R.* Salutâre suum, allelúia.

O rêmus.

Oratio.

Concède quæsumus omnipotens Deus: ut nos Unigéniti tui nova per carnem nativitas liberet, quos sub peccáti jugo vetústa sérvitus tenet.

Pro

Pro S. Stephano, Antiphona.

Stéphanus autem plenus grátia & fortitudine, faciêbat signa magna in pópulo. *Ps.* Sepeliérunt Stéphanum viri timoráti. *R.* Et fecerunt planctum magnum super eum.

O rêmus.

Oratio.

DA nobis, quæsumus Dómine, imitari quod colimus, ut discamus & inimicos diligere: quia ejus natalítia celebrâmus, qui novit étiam pro persecutóribus exorâre Dóminum nostrum.

Pro S. Joanne, Antiphona.

Iste est Joannes, qui supra pectus Dómini in cœna recubuit: beátus Apóstolus, cui revelâta sunt secrêta cœlestia. *Ps.* Hic est discipulus ille, qui testimónium pérhibet de his. *R.* Et scimus quia verum est testimónium ejus.

O rêmus.

Oratio.

Ecclésiã tuam, Dómine, benignus illústra: ut beáti Joannis Apóstoli tui & Evange-

lístæ illuminâta doctrinis, ad dôna
pervéniat sempitérna. Per Dómi-
num nostrum Jesum Christum Fí-
lium tuum: qui tecum vivit & reg-
nat. *R.* Amen.

ψ Dóminus vobíscum. *R.* Et cum
spíritu tuo. *ψ.* Benedicâmus Dó-
mino. *R.* Deo grátias. *ψ.* Fidélium
ánimæ per misericórdiam Dei re-
quiescant in pace. *R.* Amen.

AD PRIMAM.

Pater noster. Ave María. *Credo.*

Post ψ. Deus in adjutórium.

Gloria Patri, & Hymn. Jam lucis
orto sidere, *ut suprà fol. 84.*

Ana. Heródes irátus. *Psalmi.* Deus
in nómine tuo. *B* eátí immaculáti.
& *R* eáribue.

Ana. Heródes irátus occídít multos
púeros in Bétlehem Judæ civitatē
David. *Capitulum.* Regi seculó-
rum, cum reliquis *ut supra in testo*
Nativitatis Domini. 90.

*Pro Lectione brevi dicitur Capi-
tulum Nonæ hujus Festi.*

AD

AD TERTIAM.

Pater noster. Ave María.

Post ψ. Deus in adjutórium.

Gloria Patri, & Hymn. Nunc
sancte nobis Spíritus, *ut suprà. 94.*
Ana. A bimátu. *Psalmi.* Legem
pone. Memor esto. *B* onitâtem fe-
cisti, *ibid. fol. 95.* *Ana.* A bimátu
& infrà occídít multos púeros He-
ródes propter Dóminum.

Capitulum. *Apoc. 14.*

VIdi supra montem Sion Ag-
num stantem, & cum eo
centum quadraginta quátuor millia,
habéntes nomen ejus, & nomen Pa-
tris ejus scriptum in fróntibus suis.
R. breve. Lætámini in Dómino,
* Et exultâte justi. Lætámini in
Dómino, & exultâte justi. *ψ.* Et
gloriámini omnes recti corde. Et
exultâte justi. *G*loria Patri, & Fí-
lio, & Spíritui sancto. Lætámini in
Dómino, & exultâte justi. *ψ.* Exúl-
tent justi in conspéctu Dei. *R.* Et
delecténtur in lætítia.

ψ. Dó-

Y. Dóminus vobiscum. *R.* Et cum spiritu tuo.

O rémus.

O ratió.

Deus, cujus hodiérna die præcónium Innocéntes mártires non loquendo, sed moriendo conféssi sunt: ómnia in nobis vitiórum maía mortífica; ut fidem tuam, quam lingua nostra loquitur, étiam móribus vita fateátur. Per Dóminum nostrum Jesum Christum. *R.* Amen.

Y. Dóminus vobiscum. *R.* Et cum spiritu tuo. *Y.* Benedicámus Dómino. *R.* Deo grátias. *Y.* Fidélium animæ per misericórdiam Dei requiescant in pace. *R.* Amen.

A D S E X T A M.

*P*ater noster. *A*ve María.

Post Y. Deus in adiutorium.

*G*loria Patri, & *Hymn.* *R*ector potens verax Deus, *ut supra* fol. 102.

Antiphona. Angeli eórum. *Psalmi*

*D*efécit. *Q*uómodo diléxi. *Iniquos*
ódio

ódio hábui, *ut ibidem supra* 103.
Aña. Angeli eórum semper vident faciém Patris.

Capitulum.

Apoc. 14.

HI sunt, qui cum mulieribus non sunt coinquináti: Virgines enim sunt. Hi sequúntur Agnum quocúmque íerit.

R. br. Exúltent justí, * *In conspéctu Dei.* Exúltent justí in conspéctu Dei. *Y.* Et delecténtur in latítia. *In conspéctu Dei.* *G*loria Patri, & Filio, & Spirítui sancto. Exúltent justí in conspéctu Dei. *Y.* Justí autem in perpétuum vivent. *R.* Et apud Dóminum est merces eórum. *Y.* Dóminus vobiscum.

*O*ratió. Deus, cujus hodiérna, *us supra ad Tertiam.* 278.

A D N O N A M.

*P*ater noster. *A*ve María.

Post Y. Deus in adiutorium.

*G*loria Patri. & *Hymn.* *R*erum Deus tenax vigor, *ut supra f.* 109.

Aña. Sub throno Dei. *Psalm.* *M*i-

ra-

280 In fest. SS. Innocent.

rabília testimónia tua. Clamávi in toto corde meo. Príncipes persecúti sunt, ut *ibid. fol. 110.* Aña. Sub throno Dei omnes sancti clamant: Vídica ságuinem nostrum Deus noster.

Capitulum. *Apoc. 14.*

Hempti sunt ex homínibus primítia Deo, & Agno, & in ore ipsórum non est inventum mendácium: sine mácula enim sunt ante thronum Dei.

R. br. Justi autem, * In perpétuum vivent. Justi autem in perpétuum vivent. *ψ.* Et apud Dóminum est merces eórum. In perpétuum vivent. Glória Patri, & Fílio, & Spirítui sancto. Justi autem in perpétuum vivent. *ψ.* Exultábunt sancti in glória. *R.* Lætábuntur in cubilibus suis. *ψ.* Dóminus vobíscum.

Oratio. Deus, cujus hodiérna. ut *suprà ad Tertiam. 278.*

Ad Vesperas, Antífona.
Tecum princípium. cum reliquis
An-

In fest. SS. Innocent. 281

Antiphonis & Psalmis de Nativitate. 149.

Capitulum. Vidi supra montem. *Hymnus.* Salvète flores Mátyrum. 273. *ψ.* Sub throno Dei omnes sancti clamant. *R.* Vídica ságuinem nostrum Deus noster.

Ad Magnificat, Antífona.

Innocétes pro Christo infántes occísi sunt, ab iníquo rege lactétes interfécti sunt: ipsum sequúntur Agnum sine mácula, & dicunt semper: Glória tibi Dómine.

Orémus.

Oratio.

Deus, cujus hodiérna die præcónium Innocétes mátyres non loquéndo, sed moriéndo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum nostrum. *R.* Amen.

Deinde fit commemor. S. Thomæ Cantuariensis, nisi fuerit Sabbatum.
Aña. Iste sanctus pro lege Dei sui

cer-

certavit usque ad mortem, & à verbis impiòrum non tímuit: fundátus enim erat supra firmam petram. *Ps.* Glória & honòre coronásti eum *Dómine. R.* Et constituísti eum super ópera mánuum tuárum.

Orémus.

Oratio.

DEus, pro cuius Ecclésia glóriòsus Póntifex Thomas gládiis impiòrum occúbuit: præsta quæsumus; ut omnes, qui ejus implórant auxiliùm, petitiònis suæ salutárem consequántur effectum.

Et fit commemoratio de Nativitate, Aña. Hódie Christus natus est: hódie Salvátor apparuit: hódie in terra canunt Angeli, lætántur Archángeli: hódie exúltant justí, dicéntes: Glória in excélsis Deo, allelúia. *Ps.* Notum fecit Dóminus, allelúia. *R.* Salutáre suum, allelúia.

Orémus.

Oratio.

Concède quæsumus omnípotens Deus: ut nos Unigéniti tui nova per carnem natívitas liberet,

ret, quos sub peccáti jugo vetústa sérvitus tenet.

Pro S. Stephano, Antiphona.

Sepeliérunt Stéphanum viri tímoráti, & fecérunt planctum magnum super eum. *Ps.* Stéphanus vidit cœlos apértos. *R.* Vidit & introívit: beátus homo, cui cœli patébant.

Orémus.

Oratio.

DA nobis, quæsumus Dómine, imitári quod còlimus, ut discámus & inimicos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum.

Pro S. Joanne, Antiphona.

Exiit sermo inter fratres, quòd discípulus ille non móritur: & non dixit Jesus, Non móritur; sed, Sic eum volo manère, donec véniam. *Ps.* Valdè honorándus est beátus Joánes. *R.* Qui supra peccatus Dómini in cœna recúbuit.

Oré-

Orémus.

Oratio.

Ecclesiam tuam, Dómine, benignus illústra: ut beáti Joánis Apóstoli tui & Evangelistæ illuminata doctrinis, ad dona perveniat sempiterna. Per Dóminum.

R. Amen.

Ps. Dóminus vobiscum. R. Et cum spiritu tuo. Ps. Benedicámus Dómino. R. Deo grátias. Ps. Fidélium animæ per misericórdiam Dei requiescant in pace. R. Amen.

Si festa Nativitatis Dómini, sancti Stephani, S. Joannis Evangelistæ, SS. Innocentium, & eorum dies Octavæ venerint in Dominica, ipso die nihil fit de Dominica, sed die proximo post festum Translationis S. Jacobi fit de ea, ut infra. 309.

Si festum S. Thomæ venerit in Dominica, transfertur in secundam Feriam, & in Sabbato post Orationem SS. Innocentium dicitur Antiphona, Ps. & Oratio Domini-

minicæ, quæ paulo infra habetur. 302. Deindè fit commemoratio Octavarum, & in secundis Vesperis Dominicæ fit commemoratio S. Thomæ, & Octavarum.

In secundis Vesperis S. Thomæ, Antiphona, & Psalmi de Nativitate. 148. quæ duplicantur. Capitulum & alia de S. Sylvestro, cum commemoratione sancti Thomæ, & Octavarum.

IN FESTO

S. THOMÆ EPISCOPI ET MARTYRIS.

Semiduplex.

AD MATUTINUM.

Pater noster. Ave Mariâ. Credo.

Versus.

Domine labia mea aperies. R. Et os meum annuntiabit laudem tuam. Ps. Deus in adiutorium meum intende. R. Dómine ad adjuvandum me festina. Gloria Patri. Sicut erat. Allelúia.

Invitatorium. R. Regem Mártyrum Dóminum, * Veníte adorémus.

286 **In festo S. Thomæ**
mus. **Psalmus. Venite, exultemus,**
ut suprâ. 24.

Hymnus, Antiphonæ (quæ non
duplicantur), Psalmi, Versus, Ab-
solutiones & Benedictiones, ut su-
pra in festo sancti Stephani.

In primo Nocturno.

De Actibus Apostolorum.

Lectio j. Cap. 20. d

A Miléto Paulus mittens Ephe-
sum, vocâvit Majores natu
Ecclésiæ. Qui cum venissent ad
eum, & simul essent, dixit eis:
Vos scitis, à prima die, qua in-
gressus sum in Asiam, qualiter
vobiscum per omne tempus fue-
rim, sérviens Dómino cum omni
humilitate, & lacrymis, & tenta-
tionibus, quæ mihi accidérunt ex
insidiis Judæorum: quómodo nihil
subtráxerim útilium, quò minùs
annuntiárem vobis, & docêrem
vos públicè, & per domos, testi-
ficans Judæis atque Gentilibus in
Deum pœniténtiam, & fidem in
Dó-

Episcopi & Martyr. 287

Dóminum nóstrum Jesum Chris-
tum. Et nunc ecce alligátus ego
spíritu, vado in Jerúsalem, quæ
in ea ventúra sint mihi, ignórans:
nisi quod Spíritus sanctus per om-
nes civitates mihi protestâtur, di-
cens: Quóniam vincula & tribu-
lationes Jerosólymis me manent.
Sed nihil horum véreor: nec fáció
ánimam meam pretiosiórem quàm
me, dúmmodò consumam cur-
sum meum, & ministérium verbi,
quod accépi à Dómino Jesu, tes-
tificári Evangélium grátia Dei. Tu
autem Dómine miserere nobis.

R. Deo grátias.

R. Iste sanctus pro lege Dei sui
certâvit usque ad mortem, & à
verbis impiórum non tímuit.* Fun-
dátus enim erat supra firmam pe-
tram. **V.** Iste est qui contépsit
vitam mundi, & pervénit ad cœ-
léstia regna. Fundátus enim erat
supra firmam petram.

V. Jube domne benedícere. **Bene-**
dic-